

AVIZU KONKURSU PÚBLIKU

Komisaun Funsan Públika, tuir forma Dekretu Lei no. 34/2008, 27 loron Agostu. Ho redasaun husi Dekretu Lei no. 22/2011, loron 8 Juñu, konabá Rejime Konkursu, Rekrutamentu, Selesaun, Nomeasaun no Promosaun Pesoal iha Administrasaun Públika ne'ebé foó biban ho prosedimentu sira atu loke konkursu públiku tuir avizu konkursu públiku iha Prokuradoria Jerál Repúblika.

Referénsia	Ref. Nú CPI/47/2022
Titulu ba pozisaun	Ofisial finansa
Grau kategoria	Grau: E / Tékniku administrativu
Instituisaun	Diresaun Finansa no Orsamentu Prokuradoria Jerál Repúblika
Responsabilidade ba Departamentu	Departamentu Finansa no Orsamentu
Saláriu mensal :	US\$ 204
Númeru ba vaga :	1 (ida)
Relasaun júridika ba empregu :	Permanente
Tipo konkursu ba :	Públiku
Métodu selesaun karáter eliminatóriu:	1. Avaliasaun kurikular
	2. Prova eskrita liu husi ezame sistema elektronika
	3. Entrevista profisional.
Hato'o relatóriu ba:	Xefe Departamentu Finansa

A. Deskrisaun konteúdu fungsional husi pozisaun:

Ofisial Finansa hala'o serbisu tutela ba Xefe Departamentu Finansa ho funsaun sira hodi fó apoiu ba Diresaun Finansa no Orsamentu iha Prokuradoria Jerál Repúblika no iha orientasaun ho Xefe Departamentu Finansa hodi asegura katak sira tenke halo tuir ho Lei, regulamentu no prosedimentu iha Prokuradoria Tékniku Repúblika, no Lei sira konabá jestaun finanseira Ministériu Finansa no Lei Funsan Públika.

B. Responsabilidade sira ba pozisaun

1. Responsável ba serbisu iha administrasaun ba prosesu pagamentu adiantamentu viajen lokal no viajen estranjeiru;
2. Halo arkivamentu ba CPV, PR, PRT no rejistu komitmentu sira ba computador;
3. Simu karta tama no lori karta sai ba instituisaun relevante sira;
4. Prepara termu entrega ba pagamentu sira;
5. Kopia dokumentu sira konabá pagamentu nian;
6. Priense formolariu pagamentu no halo seklist ba pedidu pagamentu sira;
7. Kada fulan apresenta relatóriu serbisu pesoal ba Xefi Departamentu Finansa;
8. Aliende serbisu sira iha leten, hala'o mós serbisu seluk ne'ebé superior ou xefe fó ka atribui ba.

C. Rekezitu sira ba selesaun:

1. Rekezitu fundamental sira

Tuir artigu 14, Lei Nº. 8/2004 loron 16 fulan Junu 2004 ho Lei Nº 5/2009, aplikante sira tenke:

- a) Sidadaun Timor Leste;
- b) Mínimu tinan 17 no máximu tinan 55;
- c) Laiha istoria hahalok kriminal ne'ebé bele rezulta ba pesoal ne'e hetan sentensa tama kadeia tinan rua ka liu, no nunka halo buat ruma ne'ebé konsidera inkompativel ho funsaun sira ne'ebé nia sei hala'o iha administrasaun públika;
- d) Antes ne'e nunka hetan demisaun husi instituisaun estadu ruma;
- e) Prontu atu serbisu iha ne'ebé deit iha parte teritóriu Timor Leste nian ka halo ofisial misaun iha tasi balu;
- f) Prontu hodi hala'o viazen iha rai laran no mos iha tasi balu;

- g) Iha saúde diak no kondisaun fízika no mental diak hodi bele hala'o funsaun ne'ebé nia konkore ba;

2. Rekezitu obrigatoriu

Minímu diploma Sekundáriu ne'ebé hetan ona rekoñesimentu husi Ministériu Edukasaun iha Timor Leste.

3. Rekezitu selesaun sira konabá kualifikasaun, habilidade adisional, kompeténsia no esperiénsia espesífiku ba pozisaun ne'e:

- a) Mínímu iha esperiénsia serbisu tinan 2.
- b) Banati tuir Lei, política no prosedimentu sira iha administrasaun públika Timor Leste, liu-liu Estatutu Ministériu Públiku no Estatutu Funsan Públika;
- c) Hatudu kapasidade atu hametin relasaun no ambiente ne'ebé diak ho funsionáriu sira iha departamentu / ekiparadu sira seluk iha Prokuradoria Jerál Repúblika;
- d) Iha abilidade komputador diak, liu-liu Microsoft Word, Excel, PP no Acces;
- e) Demonstra koñesimentu no abilidade hirak ne'ebé nu'udar rekezitu kompeténsia no responsabilidade sira ba pozisaun nian;
- f) Hatudu katak iha kapasidade (kompriende, koalia no hakerek) iha kualker lian ida husi lian ofisial rua ne'e (Tetúm ka Portugues) no hatene lian Inglêz nu'udar vantajen diak.

4. Preferênsia rekrutamentu sira:

Apontamentu sei determina husi méritu. Aplikante sira ne'ebé iha valór finál hanesan, no preferênsia sei fó liu ba aplikante sira ne'ebé:

- Feto;
- Tinan entre 20 ho 35.

D. Kompozisaun júri

Painel júri ba konkursu no selesaun sei kompostu husi:

1. Sr. Noemio da Silva, husi PJR, Prezidente júri
2. Sra. Anabela da Costa Lesu, husi PJR, vogal
3. Sr. José Manuel Soares, husi PJR, vogal
4. Sr. Delfim Leitão, husi KFP, vogal
5. Sra. Santarina Xavier Rosário, husi KFP, vogal
6. Sr. Edilson Manuel Alain Ximenes, husi PJR, suplente
7. Sr. Valentino Moniz Barreto, husi PJR, suplente

E. Materia sira ba prova (Prova eskrita & entrevista)

1. Materia jerál (25%)

- Konstituisaun RDTL;
- Lejislasaun Funsan Públika;
- Istória Timor Leste;

2. Materia Espesifiku (75%)

- Dekretu Lei no. 6 / 2010, loron 14 Abril, altera ba Dekretu Lei no. 24 / 2017, loron 19 Julhu ;
- Lei 14 / 2005, loron 16 Setembru, altera ba Lei 11 / 2011, loron 28 Setembru, konabá Estatutu Ministériu Públiku;
- Lei N.o 13 /2009, loron 21 Outubru, konabá Orsamentu no Jestaun Finanseiru;
- Matematika & estatistika bázika;
- Dominiu téknolojia informátika bázika;
- Deskrisaun serbisu nian vaga ka pozisaun sira ne'ebé mak konkorente sira konkore ba;
- Proficiência komunikaun eskrita no oral iha lian Tetum no Português no koñesimentu lian Inglés;

- Atu hetan informasaun konabá lei sira iha leten bele buka iha website Jurnal Repúblika;

F. Sistema klasifikasaun finál

1. Métopu selesaun koresponde ba análiza kurikular, verifikasaun referénsia pesoal, prova eskrita no entrevista.
2. Kalkulasaun eskala média ba prova eskrita husi pontu 0 to'o 100, sei konsidera kandidadu ne'ebé hetan pontu 60 ba leten mak bele kontinua ba faze entrevista finál.
3. Kandidatu ne'ebé hetan valór bo'ot liu mak okupa vaga / fatin refere.

9. Dokumentu ne'ebé tenki aneksu ba prosesu selesaun :

1. Karta aplikasaun diriji ba **Prezidente júri, Noemio da Silva**, tuir termu referênsia ba vaga ne'ebé mak kandidatu aplika.
2. Kurrikulum vitae / CV tenke hakerek ho lian Tetúm ka Português no tenki asina husi rekerente, mínimu iha testemunha na'in rua (2) kompletu ho sira ida-idak nia número kontaktu ;
3. Fóto kopia kartaun eleitoral no billeti identidade (BI) validu;
4. Fóto kopia sertifikadu habilitasaun literaria ka profissional / diploma (legalizadu orijinal);
5. Fóto kopia sertifikadu fórmasaun profisional karik iha ;
6. Atestadu médiu (orijinal);
7. Kopia sertidaun RDTL
8. Sertidaun rejistu kriminal ka Bom Comportamento;
9. Karik funsionáriu públiku, tenki apresenta karta deklarasaun livre prosesu dixiplinar husi KFP;

10. Dokumentu hotu hatama iha **map / envelope ko'or (Kinur)** no hakerek naran aplikantes no área especialidade inklui númeru referênsia.
11. Anunsiu konkursu ne'e loke hahú loron 17 fulan Maiu tinan 2022 no sei remata iha loron 31 fulan Maiu tinan-2022, husi tuku 09.00 - 16.30 OTL.
12. Prosesu selesaun ida ne'e eliminatóriu. Tan ne'e, failha submete dokumentu lakompletu tuir rekizitu sira hanesan mensiona iha leten sei rezulta aplikasaun **"deskualifikadu"**,
13. Enkoraja tebes ba joven feto sira atu bele mai aplika ba vaga pozisaun ne'e.
14. Data teste eskrita no entrevista sei fó sai ho oráriu ba kandidatu sira ne'ebé kualifikadu iha prosesu selesaun dokumentu aplikasaun sira;
15. Públikasaun rezultadu: lista kandidatu admitidu ba konkursu no lista klasifikasaun final sei taka iha kuadru avizu Prokuradoria Jerál Repúblika, Prokuradoria Distritál sira no Komisaun Funsan Públiku.
16. Submisaun dokumentu ba pessoal Rekursu Humanu Departamentu Rekrutamentu no Fórmasaun, Diresaun Administrasaun no Rekursus Humanus iha Prokuradoria Jerál Repúblika, Colmera Dili, no Prokuradoria Distritál Baucau, Prokuradoria Distritál Suai no Prokuradoria Distritál Oecusse.

Dili, loron 16 fulan Maiu tinan-2022


Noémio da Silva
Prezidente júri
